

DE PRINCIPIIS AGENDI.

gantium, adeoque largiori & longe maiori quantitate ibi applicanda. *Quæ vero externe potenter vires exerunt, non nisi refracte & parcissime interius propinanda, exemplo cantharidum, & similium.*

(3.) *Quæ vero resoluta apta magis sunt, vel etiam diuersum respectum agendi obtinent, alia interne & externe potenter vires exprimunt. Sic mercurialia utroque modo cum fructu adhibentur. Sic spiritus vini, sed diuerso fine, interius hauritur, & extus applicatur; par ratio est vini ipsius, aloes & aliorum.*

Merito ergo medicus, tanquam naturæ minister, eiusque arcanorum promus condus, de actione & cognitione harum facultatum debet esse sollicitus, ne, quod aiunt, medicamenta fiant gladius in manu furiosi, vel saltem, ne empirice procedatur, solo effectu citra rationem obseruato.

LIBRI I. SECT. I. CAPVT II.

De

Principiis agendi.

Duo hæc summa quasi capita sunt obseruanda, tanquam fundamenta omnis doctrinæ huius, de materia medica seu medicamentorum facultatibus; 1. *principia agendi*, unde fluat & producatur vis ista, in quibus residet, cui adscribenda sit, quare ita agat, calefaciat v.g. humectet, refrigeret, siccat; 2. *principia cognoscendi*, an ita agant; Verbo τὸ ὄτι, & τὸ διότι. Licet vero videatur contra principia analytices esse, prius de causis, quam de effectu sciscitari & disquisitionem instituere; distinguendum tamen est inter facultates iam inuentas & inueniendas. In his sine dubio necessarium est, τὸ ὄτι prius indagare, non item in illis. Hoc enim esset actum agere, cum per tot secula iam cognitum sit hæc emollire, hæc purgare hæc somnum ciere. In eo solum & potissimum iam medici munus consistit, vt & nouerit quæ sint, & quare sint, cognita habeat intimius, & scientifice hinc procedat.

Principium igitur agendi hoc constituunt qualitates, seu crasis,

Scias inde resultans. De his, quid sint & quomodo se habent, plura dici possent, a Philosophis repetenda; sufficerit nobis hoc loco intelligere tum *modum*, quem exprimunt concursu & miscela sua siue elementa, seu potius principia chimica, tum *effectum* exin resultantem, relatum ad calidum innatum corporis humani.

Vnde clarum esse potest, quare nec *substantia* ipsa proprie loquendo dicatur agere, nec quantitatis vlla sit efficacia, sed vtraque respectu magis modi miscelæ, modi efficiendi & afficiendi considerari debeant.

Dividuntur hæc qualitates in *manifestas* & *occultas*. Manifestas vocabimus, quarum effectus sensibus inuestigantibus magis occurunt; occultas, quæ eosdem fugiunt magis, ut solo effectu, citra patentem modum, sint conspicuae.

Habent hæc fundamentum in ire; innituntur qualitates seu modi hi afficiendi modis, gradibus & proportioni mixturae, vnde hoc referenda doctrina de principiis rerum, & cum primis chimicis, tanquam scientiæ medicæ magis aptis, seu omnibus potius coniunctum spectatis. Vnde definitio qualitatis illa potius hoc loco valet; qualitas est, per quam substantia est efficax, seu quæ mouet sensus; quam altera, qua per qualitatem intelligitur *accidentalis*, quæ essentiam rei constitutæ consequitur, aut eidem extrinsecus aduenit.

Calida vel *frigida* dicuntur, que calorem innatum, seu sanguinem, partes sulphureas balsamicas, vel intendunt, vel deprimit, quorum illud de calidis, hoc de frigidis verum est; *Humida* & *sicca*, que serum seu lympham alterant, humida augendo defectum, sicca minuendo exuperantiam. Hæc vero sunt principia vitalia, sanguis & serum, quæ in his inueniunt remedia; ut vel ex summi conditoris prouidentia eminentissime pateat, & hanc ipsam philosophiam esse longe elegantissimam & verissimam, ea solum occasione deturpatam, quod a non intelligentibus citra subiecti intuitum vanis speculationibus intellectus fuerit obrutus.

Actiuus magis est sanguis; Ergo actiua dicuntur, quæ sanguinem alterant, calidæ vel frigidæ. Passuum magis est serum; Ergo

DE PRINCIPIIS AGENDI.

Ergo passiuæ dicuntur, quæ serum hoc magis respiciunt, quod ex superioribus patet. Relinquent vero effectum vel explicite & confessim, vel implicite & in recessu quodam. Ex eoque agendi & reagendi vel applicandi proportio emergit.

Qualitates secundas vulgo vocant, quæ ex primis, a calore, & frigore, ex humiditate & siccitate oriuntur; Imo id ad tertias quoque referunt nonnulli. Recte vero Sennertus affirmat *l. de conf. & diss. chim. c. II. p. 145. & p. 170.* neminem e Peripateticis demonstrasse, quomodo secundæ qualitates, sensibiles scilicet, e primis orientur. Idque ex eo quoque illustrari potest, quod occultæ dicitæ, licet non sine primis illis, ex iis non orientur ex confessu. Hinc & Scaliger. *Ex. 297. t. 4. p. 871.* falsum esse, ait, secundas ac tertias qualitates a primis oriri; nihilo enim magis ab illis oriri saporem, quam risum.

Non sunt considerandæ qualitates, vt quædam sola accidentia, nescio vnde deducta, sed velut modi entis, modi materia, & effectus mixturæ, adeoque potius in concreto. Abstrahere enim nihil est aliud, iuxta Logicos, quam ex iis quæ coniuncta sunt, alterum sine altero considerare; concretum vero notat attributum cum substantia conceptum. Vnde plus est in conceptu concreto, quam in abstracto. Quando igitur calidum dico, intelligo v. g. simul, quod partibus vel salinis rarefactiuis, alcalinis, vel sulphureis balsamicis pollet, & sic porro.

Symbolizant inter se qualitates primæ, secundæ, tertiae, & ipsæ occultæ; Denominatio vero fit ab eo, quod, ipso Galeno assentiente *l. 1. de temperam. c. 1.* in mixtura præpollet. Referri huc potest definitio temperamenti physici, quod sit qualitas ex mutua actione & passione miscibilium elementorum, seu primarum qualitatum resultans.

Per quæ quid agit, per eadem cognoscitur; cum ergo medianis qualitatibus agant simplicia & alia medicamenta, diuerso respectu & indices esse possunt, & effectus. Neque enim textura illa particularum, vis illa & potentia præfens, si corpori applicetur, iners & deses esse potest, sed exerit sese; relata sunt causa & causatum, agens & patiens. Posito itaque, in hoc vel illo ex-

B

perare

perare qualitatem aliquam actiuam, sine dubio illam sibi relictum exeret in corpore, calefaciet, vel refrigerabit. *Indices* sunt mixturae, & particularum, v.g. sulphurearum, salinarum, mercurialium &c. *Effectus* vero edunt in corpore. Hinc indices in primis qualitatibus diximus quod sint caliditas, frigiditas, humiditas, siccitas, explorata vel ipso sensu immediato, vel per qualitates secundas, vel tertias; Effectus vero alteratio, calefacere, refrigerare, humectare vel siccare.

Adeoque, ut hæc magis clareant, *calidum* e.g. dicitur dupli-
ci modo p. *intuitu qualitatis eius*, quæ exuperat in mixto, seu ele-
mentaris, ignea, concipiatur, seu a principiis actiuis, cum primis
sulphure expanso, seu a particulis aliis iuxta *Cartesium* deducatur;
2. *intuitu effectus* ad hominem. Vnde eleganter *Gal. l. 3. de temp.*
c. 6. p. 50. Potestate calidum, vt ad hominem est, *inquit* (ex spe-
ciebus eorum, quæ ex eo, quod in ipsis præpollet, calida dicuntur)
qui quid, homini applicatum, naturalis eius calor, vel qualitatem auget,
vel substantiam. Et ut hoc addamus, sulphurea balsamica ex me-
dicamentis magis substantiam, salina volatilia magis qualitatem
respiciunt.

Notandum vero (1) quod iam supra monuimus, *soritri his*
ipsas qualitates non semper effectum uniuocum & sibi similem, sed quan-
doque æquiuocum seu dissimilem, per accidens.

(2.) Cum calor noster unus quidem sit substantia & origine,
diuersus tamen ratione operis determinati in his illis membris
præstandi, vt inventriculo chylifacet, in corde sanguificet, in aliis
alia peragat, adeoque sit temperamentum aliud generale, commu-
ne, uniuersale; aliud specificum, quod *ἰδιούγνωστας* vocant, ubi
non tam calidum generat agit, vt calidum, sed vt sic calidum,
determinatum & specificatum quasi: ita etiam effectus medical-
mentorum duplex est, vt alterent vel absolute & generaliter, vel
specifice, seu ut sic.

Qualitates itaque manifestæ primæ, secundæ, tertiae, & o-
cultæ ab his diuersæ, reuera dictæ nobis videntur a modo afficiendi
corpus nostrum, vnde principia agendi & cognoscendi utique in
hoc conspirant; facta hinc sensim confusione & abstractione.

Cum

Cum enim sensus & intellectus nos deducant in cognitionem & estimationem vniuerscūscunque rei, his quoque explorata medicamenta innotuerunt, per obiecta sensuum communissima. Cumque sensus tactus magis grossus & corporeus sit, ille quoque corporeo suo contactu primum afficiendi modum exprimit, a qualitatibus tactilibus primis primo de sumpto iudicio, v. g. obiecti patibilis qualitas est calida, frigida, humida, siccā; affiendo hoc modo & hoc sensu corpus. Ergo inde collegit intellectus: Quicquid est calidum, illud corpus calefacit, simile enim auget simile, tale additum tali reddit illud magis tale. Et sic consequenter: quicquid est frigidum, humidum, siccum, id refrigerat, id humectat, id siccatur corpus.

Quæ enim liquidum aliquod corpus vel yaporem etiam communicant, humectant: quæ humorem vel alium liquorem elidunt, exsiccant, ut inferius pluribus.

sbra Utque hæc de qualitatibus seu viribus actu talibus valent, quarum effectus est manifestior; ita quæ licet non in instanti, pauculo post tamen edidere effectum consimilem, ex hoc iudicata sunt: v. g. vt in tactus sensu maneamus, si applicatum corpori etiam actu non calidum, calorem tamen vel ruborem, vredinem vel refrigerium induxit, inde conclusum fuit, & hoc esse calidum, hoc esse frigidum, vt non referamus quadam per se, quadam per accidens id praestare.

Adeoque hæc distinctione enata est, inter calefaciens actu, & potentia; & primæ hæc qualitates sunt dictæ & estimatæ, an calidum, frigidum, humidum, siccum sit mixtum, unde & primis qualitatibus agere dicuntur vel hodie, quæ calefaciunt, refrigerant, humectant, vel siccant. Cumque effectus hic ex reliquis quoque resulteret, vt in sequentibus dicemus, ut primæ hæc dictæ velut ex secundis ortæ sint, hinc sensim id tribui coepit omnibus qualitatibus secundis, vt ex primis ortæ putarentur, inuerso rerum ordine.

Talismodi vero indices & effectus etiam in secundis dictis spe-
ctandi sunt. Secundas nominabimus per iam exposita, a secundo quasi afficiendi modo, facto vltiori per contactum examine,

seu quod consistant in qualitatibus tactilibus secundis dictis a Philosophis; inde enim emergit & sensui patefit, an corpus sit rarus, densum, crassum, tenue; an asperum, glabrum, laeve, molle; an durum, leue, graue, viscidum. Effectus vero in aliis certus, in aliis saltim probabilis a priori intellectui subnascitur; quæcumque sunt mollia, illa emollire, aspera rubefacere, crassa incrassare, tenuia incidere, rarefacere, &c. vnde qualitatibus secundis agere dicuntur, quæ hoc præstant.

Possunt vero commode hoc quoque referri figuræ particularum, quarum aliae sunt rotundæ, aliae quadratae, aliae cuspidatae, vnde & effectus diuersus consurgit. Præstat enim singula hæc coniungere, cum ex omnibus & singulis demum aliqua oboriatur, scientia, nedum ex una alteraque hypothesi seorsim spectata.

Sic & in tertii qualitatibus offerunt se reliquorum sensuum obiecta, quibus ad examen obuiorum instituendum vtitur intellectus, vt indices quidem colores, odores, soni, sapore; vnde inductione a priorum examine facta vterius definitos effectus arguit collectiue, hoc, quia calidum, asperum, acre, resoluere, stimulare; alterum, quia humidum, tenue, acre, vrinam mouere; illud, quia temperate calidum, viscidum, balsamicum, dulce, esse sarcoticum, & sic porro. Vnde tertii dicuntur qualitatibus agere, quæ resoluunt, vrinam, sudores mouent &c.

Et hæc vt in ignotis patefaciendis intellectum manu duxerunt ad iudicium ferendum, vel concludendum de effectu; ita postquam iam inuestigata & pro talibus posita & experta sunt, inseruiunt tamen artis tyronibus ad cognitionem & iudicium de agendi principiis, seu de medicamentorum facultatibus.

M His expositis non difficulter erit conceptu, quare qualitatum occultarum nomen in scholas fuerit introductum. Occultum h. l. si genuinam spectemus philosophandi ex rebus rationem, notat 1. non quæ nesciuntur, quid præstant, sunt enim qualitates occultæ dictæ effectu suo satis notæ, opium v.g. somnum ciere, helleborum purgare; 2. non notat non inuestigabile, cuius causa redi omnino non queant, nam & quare somnum ciat opium, helleborus purget, causa redi potest, quo sensu qualitates

tates occultæ sunt ignorantia reuera asylum, quando dico v. g. opium somnum ciere a qualitate occulta, helleborum purgare a qualitate occulta, dico effectum, cuius causam ignorem. Et hoc sensu præstat potius abstinere ab occulti vocabulo.

3. Non quæ citra illum qualitatum manifestarum concursum eveniant, nam & in opio & helleboro & aliis qualitates primæ, secundæ, tertiae manifesto adsunt & se exerunt.

Sed occulta qualitas notat, vt verbo dicamus, cuius magis effectus, quam index notus est, quæ nec e primis illis, nec secundis, nec tertii eruitur firmiter, sed vel non omnino, vel saltem obscure, coniecturaliter, incerto.

Et hoc sensu, breuiter vt dicamus, tantum abest, vt occultæ qualitates non dentur, vt potius ambabus manibus id largendum nobis sit.

Exempla harum, late sumptarum, cumprimis præbent purgantia & alexipharmacæ; imo ipsa quoque venena non pauca. Ut enim in quibusdam purgantibus, vt helleboro albo, euphorbio, granis tilly, manifesta & vrens acrimonia se exerat, exinde tandem non infallibiliter concludere licet: Ergo purgans est medicamentum, e sola hac ratione, nam & piper, & zingiber & arum, aliaq; acrimoniæ manifestam edunt, & non minus ac illorum quædam sunt sternutatoria visitata, neque tamen corpus purgant. Quin in quibusdam nulla talis vis & acrimonia visitur quoad sensus, non in foliis senz, non rhabarbaro, non cumprimis in antimoniatis quibusvis. Vitrum antimonij, crocus metallorum plane $\alpha\piο\text{ο}$ est, infusum seu aqua benedicta nullum sui quasi vestigium in faucibus exerit, sed in ventriculum illata summe virtutem illam exerunt. Cum itaque blandiantur potius talismodi seu purgantia, seu venena, & decipient hinc aliter persuasos effectu inducto alio, quam putaras, inde discit intellectus cauere, vel caute saltem in his procedere, indeque talia iudicat agere qualitate occulta, sibi non obvia, ex qua id colligere prius potuisset. Par ratio est bezoardicorum, & similium. Vnde facile liquet, qua occasione qualitates occultæ in Philosophiam fuerint introductæ, & quantum hinc abeant a genuino significatu, qui aliter eas detorserunt, vel sibi fixere potius.

Sic & strictiori significatione id ipsum accipitur postmodum de alterantibus specificis, seu determinatis, cephalicis, uterinis, stomachicis. Hæc ipsa quænam sint, inferius dicetur latius. De iis vero notandum ultimo, quod dicantur agere ὅλη τὴν οὐσίαν tota substantia, seu non via vel duabus qualitatibus, ut Gal. loquitur l. i. de simpl. med. Fac. c. 4. Quo ipso nolentes volentes facteri coguntur aliam quandam texturam, quam crassam elementarem, e principiis chimicis optime deducendam.

LIBRI I. SECT. I. CAPVT III.

Principiis cognoscendi, in specie colore.

Dictum est de principiis agendi, quod sint qualitates, ipsè vero hæc quoque principia cognoscendi constituant, modo concipiendi diuerso. Principia sunt agendi ad intra, respectu texturæ sui & mixturæ. Principia sunt cognoscendi ad extra, prout sui indicia præbent, quibus inesse colliguntur, undeque enim energiæ sui præ se ferunt, qua agunt, quicquid agunt. Hinc principia hæc cognoscendi in vniuersalitate & particularia fuere diuisa. VNIIVERSALIA sunt duo illa totius medicinæ communissima fulcra, ratio & experientia. Omnis quippe inventionis demonstrationisque principia sunt, quæ sensui atque intellectui evidentiæ sunt, autore Gal. l. i. s. M. F. s. 35. Sensui evidens est experientia, intellectui ratio.

Si vero queratur, quodnam ex hisce duobus magis concurrat, quodnam prius vel posterius, licebit nobis hoc applicare vulgatum illud, nihil esse in intellectu, quod non prius fuerit in sensu, seu quæ sensibus occurrent, fore notiora & priora esse. Vnde ut de his iudicium format ordinarie intellectus; ita etiam omne id limitatum est vel superinductum phænomenis illis.

Est itaque experientia obseruatio eorum, quæ obtigere per